



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四七一

拙守齋詩文合鈔十卷 李超孫撰

一

種蕉館詩集六卷附錄輓辭 郭堃撰

七一

蘊真居詩集六卷附詩餘一卷 陸學欽撰

一三一

壽雪山房詩藁八卷附一卷 陳廣寧撰

一八五

試峻堂詩集十二卷試峻堂賦鈔四卷 王蘇撰

二五五

試峻堂文鈔一卷 王蘇撰

四九三

東海半人詩鈔二十四卷 鍾大源撰

五二九

拙守齋詩文

合鈔

憶霖小築鏤版

國初時某會爲詩文之藪駭壇吟社遠近爭相傳擲而三李先生爲尤著秋錦徵士應康熙己未鴻詞之薦偕朱竹垞至都門與徐健菴汪鈍翁諸公往來酬倡名譽日噪輦下盛傳爲朱李若周簪谷沈藍邨輩並擅正材莫不以詩文相矜詡抑可謂盛矣李君引樹余乙卯分校所取士也聞中甫得君卷歎其經術湛深知平日留心根柢之學者亟呈主司少司空吳公甚爲激賞遂舉於禮部揭曉來謁悉君爲秋錦先生來孫家有素業讀書務講求實學蚤以詩古文聳於時君嘗撰有毛詩氏族考援據詳核蓋其淵源有自而亦喜余所知之不

序

繆也曾三上公車未第授徒養親束脞所入爲絜白之資不櫻情俗好績學砥行恒肆力於詩古文詞而其詣益邃茲余來守嘉禾君以所著拙守齋詩文彙畧余嘗觀古之作者必根本經史窺其窠奧而後獨出機杼以發抒已之所欲言是以深造入室未有空疏剽襲而可成爲一家者今君之詩若文皆枕經靡史復得漢唐以來諸名家之指而無淺俚卑靡之習故其詩工而文皆沈厚有味洵能潤澤乎古而無愧於家學之淵源也余每慨百餘年來故家世族其子姓多衰微不振卽訪某會名人之後亦皆彫落弗克自樹簪谷藍邨至罔有似

續之者惟君家門才猶盛棣華掩映相與辰屬於習俗之外以斬繼踵前躅迺益歎家風之不墜而縣澤爲獨遠已嘉慶十有三年戊辰秋八月通家生嘉定李賡芸敘

序

二

拙守齋詩鈔卷第一

嘉興李超孫奉暉

短歌行

置酒高堂其樂揚揚親不逮事憂心且傷兄弟既具飲酒之飫兩地分飛悲不能語風雨來過置酒高歌今日不樂離索奈何神仙無有誰則長壽解子之憂以酌我酒

小山謠

小山有鳥爰得我所嗷嗷受哺載飛載舞孝德光明永綏多祐

拙守齋詩鈔卷一

一

小山有樹花萼覆之東輝華屋西耀文棖孔懷兄弟心其寫而

小山有松與柏同壽下長蘭蓀芬馥彌阜君子樂胥侑以旨酒

家明敷先生佩刀歌五世孫汝龍出示索賦并序

明敷先生諱方藎性孝友負氣節不稍屈素好兵法才力過人明季值青腰黨及含山盜並擾掠梅里先生力禦之佩刀是其遺物云

南邨隱現青銀浮熊熊十丈騰潛蚪打門急遞詢所由云是手澤先公留公性忠孝名何求慷慨激烈驕王侯

青腰結黨何咆休勾連外盜聚鵠鶴家家遭劫敢呶
公獨挺身禦谿頭刀光一閃惡氛收不煩戒守持干撒
公之氣節孰與倖堅剛佩此真其儔以手拂拭忘恩讎
呵護由來能通幽苔花黯淡射雙眸有如湛盧與純鉤
我乍見之興忽道霜氣直欲橫三秋雨聲颯颯風颯颯
寒生四座神鬼愁何須摩厲輕相投善刀而藏真良謀
手提擲還中心始起看長虹亘斗牛

戊申人日六忍居小飲分賦

老輩招尋地分甘逸興生梅花簾外月春草夢中情捉
襖誇新格催詩續舊盟佳辰當此夕風物喜逾清

拙守齋詩鈔卷一

二

促席兩三輩襟期雅許同春盤蔬正滑溪樹雪初融杯
泛鳬花碧鑪圍獸炭紅他年重話舊添寫畫圖中

昔樓
溪從

暑雨初過盆荷試花旭齋叔招同張敬軒文石兄
弟暨鄉社金瀾兩弟剩舫小飲

傳是樓何在

汪先生沆題樓溪從祖剩舫話舊圖詩有
傳是樓前重問訊而今誰爲守遺書句

歸然此獨存論交推老輩話舊倒清樽樹覆短垣古蛙

鳴野岸喧平添新漲綠一曲到前邨

珍重草堂舊修名努力期披圖今夕話

即剩舫話
舊圖遠冊翦燭

故人思花外風初度簾前月漫移重當拂絹素落墨待

徐熙

秋日集杏花春雨山莊分賦得南字

別離知己今宵共杖履追隨興自酣九十傳經猶健飯
弟兄促席每分甘休嗤畢卓辭蠹飲時丁小恰喜康駢
快劇談坐對山莊秋色好倍教老屋戀花南

贈海昌許茂才

禹城

許生負奇氣汲古尚典型清門貽風雅舊德餘芳馨抗
懷撫前哲奮志凌霄冥孝先腹笥富鄴侯縹緲盈三爻
挾袞與五際搜華菁雅材一百五羅列等百城文章頗
跌蕩水玉明瓏玲旁及丹元子五色繪真形天何以左

拙守齋詩鈔卷一

三

轉日何以右行斗何有餘度火何定中星泰西傳宗動
一一扶圓靈嗤彼管窺見毋乃同晦盲負笈從謝舅說
經更鏗鏗風韻酷相似奕奕留清聲今晨一過我倒屣
迎前庭入座氣豪邁論辨希留停何當數晨夕一室相
酬展寒梅破凍萼紙帳清風生汲泉淪苦茗抽架研遺
經慷慨共期許努力在修名

張柳邨先生草書歌文石索賦

我聞草書起自秦諸侯羽檄相傳何匆匆傳至後漢更
精妙伯英兄弟得其宗晉有三王唐魯公會意驚沙振
孤蓬古今備體多師法運筆各異神自融千載以來作

者少秋蛇春蚓徒稱工朝來張子攜一冊柳邨先生留
遺蹤臨摹都得古人意不爭肥瘦與纖穠銀鈎鐵畫開
生面此中三昧羅心胸裊如長隄削弱柳聳如絕澗挂
長松或如嬾婆舞么鳳或如宛轉盤游龍想其下筆不
停手墨花片片雲煙重展卷摩挲三歎息恍若坐我研
山圖畫中至今髣髴標格樸古綽有前賢風翰墨而
外無夙好縱筆直欲摩層穹此書不第歷時輩後人以
爲草聖定折衷

題漢良族祖潯陽秋泛圖五六七言各一章

昔題潯陽樓今指潯陽郭郭外好停舟須避風波惡

拙守齋詩鈔卷一

四

菰葉蓴絲定有曉風殘月如何吟到襄陽畫裏誰歎浣

筆維摩

茗椀書籤寄此身兎豪歷歷紀游頻西京第宅重回首
流水青山悟夙因

任耕溪丈晚年頗有買山結廬之意率賦奉贈

嶺樹高秋迥郊扉晚計娛嘯歌忘歲月詩集播江湖歸
櫂淮揚道放懷嵇阮徒健堪踏層碧未藉短筇扶

和韻答薌汀弟春夜見懷之作

最憶團圞樂年年悔遠行可憐春夜雨獨聽轉愁生令
我驚孤夢多君擁百城歸期寒食近白髮好娛情

己酉冬日同人集杏花春雨山莊送汪今韓之松
江楊文樸之桐谿文魚之練浦分賦五古限索字
江樹凝蒼煙溪梅破凍萼狎獵聽寒禽丁東掣鈴索杖
屨喜相親意趣各有託楊子工詞藻棣華紛畧約汪君
善法書練褰灑習霍判觚典飛騰說劍氣盤礴桐帽發
狂歌竹葉羅深酌射縞徒遷延穿楊但作愕好控青冥
靶重淬太阿鏐明晨一揮手毋爲嗟落寞

今韓將還松江卽和留別原韻

樽酒今宵共庭前月似霜秋燈驚蟋蟀春草夢池塘

予弟金澗有秋
燈聯句詩草

說劍情偏健題襟興轉狂庾樓期盡醉

拙守齋詩鈔卷一

五

便欲款歸航

梅信寄懷張補菴寓吳門

冷蘆疎枝絕點塵還憑消息見精神晴光暗向苔邊轉
芳意遙從雪後勻驛路寒消遲遠騎溪橋月落待幽人
幾番風信匆匆到爲問蘇臺可逗春

憶梅和丁小鶴韻

我本梅花溪上家梅花三里繞溪斜漾葭灣口更幽絕
草堂一樹開繁花花時每思招好友開筍急倒樽中酒
憶昔褰屐盛吟咏舊事流傳猶在口至今手撫遺植看
清標共此耐歲寒昨年期君重招尋冰姿玉骨愜素心

拈鬪關韻草堂中起看明月升牆東今年忿忿揮手去
轉歎蕭颯如秋蓬別離纔經十閱月忽見庭前梅花發
竹爐紙帳好安排便欲調琴掃苔石九峰縹緲登高臺
風吹客裏清香來何當踏雪尋徧溪南舊日栽不然一
枝聊寄與君有卻恨年年長分手

寒夜說餅

最憶吳均事清宵戒薄寒分甘及兄弟皓月正圓園淪
茗泉初熟挑燈興未闌何須更煨芋永夜任盤桓

寄懷楊孝廉

吸月西湖引興長多君才藻擅詞場花當生處三條燭

拙守齋詩鈔卷一 六

葉可穿來百步楊問字應嗤蠡測海論文更笑鼠銜薑
竭來采采標蘭訊苦憶元亭點勘忙

題金雪坡表舅氏破窗風雨圖五六七言各一章

渺矣蘭江舟歸與梅花屋暮雨憶瀟湘寒空捲修竹先生

自楚南歸
繪是圖

前輩論交朱沈先生祖心齋先生與朱芷園沈棠
畦諸先生同游竹垞太史之門一時

尊酒招邀老屋數椽無恙莫嫌破窗寂寥

連牀聽雨感當年小築圓庵傍碧蓮昔表舅氏采江太
史曾築聽雨軒與

先生兄弟共
居以志式好今日綠窗煙靄裏愁吟花萼舊時編

王碧山先生招集斜溪漁舍分賦拈得蘇武節七

古一首限節字

子卿奉命使匈奴萬里金庭持漢節犛牛之尾五色絲
皇靈載道何烈烈嗟哉孝武好用兵焉支祁連背欲裂
更憐蟻聚浚稽山降將受縛復覆轍翁忽幽武大窖中
吞氈齧雪氣鳴咽手提龍節長捩揄晝夜防護弗敢褻
誘以賢王義不從寸丹一點堅如鐵兜離竊停非故都
生妻老母兩永訣自今淪落十九年節旄盡落難補綴
花門突騎沙茫茫行矣長征冤未雪銜冤絕漠肯捐軀
雁足傳書洵奇絕置酒海上泣數行牽衣攔道苦遠別
古來黠武召不祥獨恃孤忠不磨滅願藏此節入麟閣

拙守齋詩鈔卷一 七

留名屬國毋殘缺

三言題顧莖漁漁隱畫冊

喜欲狂風雨夕澹無言煙波宅釣且漁白蘋白歸去來

碧天碧

有感二首

長年宜樹椿忘憂當樹萱椿萱互輝映燦燦柯條繁如
何萱遽折風雨頻欹翻北堂淒以冷令我心鬱煩賴有
大椿樹清蔭臨前軒森森同松柏綿亘底本根春秋八
千歲願如蒙叟言

庭前有荆樹柯葉兩相依栽培得人力厥大可合園幹

竦翦榛棘根深護芳菲勿使枝傾頽風雨歎霏霏東榮
流翠蔭西榭揚清輝相對足娛目豈復怯寒威正當託
椿蔭用報愛日暉

英石筆山歌用漁洋山人海岳研山歌韻爲沈理

潛賦

中山作傳亦韻事峰巒豁眼真堪圖奇石遠數英州產
虬龍欲舞生嗟吁神工鬼斧多莫測刻畫何用衡黍銖
秀峭詎肯讓靈璧雲煙吞吐光有無近尋文房甚匪易
燕石瓦甓充五都我鄉家令頗愛古手摩筆格珍瑤瑤
上峰離立何突兀下峰蜿蜒從若徒汗浹幽坳驗雨侯

拙守齋詩鈔卷一

八

勢拔方寸羅荆巫更置鬆筒藏詩卷詞源滾滾追韓蘇
倦吟牛榻臥清晝筆花璀璨心縈紆翰墨由來敦夙好
草廬習靜無停車閒撫茲石還拂拭那用錯列珊瑚株
汝哥官定闕古色何由雲氣相搏扶曉巖深窪通曲折
迴盤一一淩清虛斑紋鐵繡兼瘦縐空嵌宛似驪含珠
爲伴蟾蜍潤書几龍池滴瀝流陵瀟白牙碧鏤左右列
頗宜虎僕與鼠鬚翻思鹿門饒奇癖翠巒隱約浮晴湖
甘露易後歷千劫風流銷歇悲啼蛄咄哉小山繼海岳
誰歎含石忘飢飭何當攜載書畫舫風雨撇旋埽秋蘆
甲寅館虎林閔氏冬至日感懷賦七律四首

比年日至長爲客令節他鄉獨舉杯鐘度屏山沈碧澗
煙橫鷺嶺破蒼苔摩挲寒具鏗明滅迢遞家書夢去回
溪上乍傳芳訊到草堂先放一枝梅

約束琴書負笈囊祇因生計轉忽忙定知白髮餐加健
祖母徐太還喜春暉日漸長柘館分甘憐少小越江理
需人在堂還喜春暉日漸長柘館分甘憐少小越江理
檄苦風霜客永康歸來好度辛盤會隔歲先儲臘釀

香

一行雁侶共南飛客永康歲歲羈棲廡下依客爲湖

山遊騎健交無管鮑賞音稀擁鑪說餅宵偏永聽雨連
牀願未違回首東山文讌地遺編賸墨總獻秋痛從祖

拙守齋詩鈔卷一

九

人下

朔風獵獵晚鴉橫雪後林花照眼明老屋暫拋葭水曲
瓊瑰重念渭陽情念秋江向人說劒憐莊叟先我揚鞭
魏祖生蚤歲蹉跎應自悔從教努力愛修名

朱節婦吳孺人詩

篝燈五夜淚雙痕爨釜承塵不可論孝竹頌成偏折子
孤桐老去得生孫祝鳩辛苦供寒具封蠶歆歆拜墓門
四十三年心力瘁還憑綽楔慰貞魂

奉和長白伊耐園郡伯片石居詩原韻

結構連雲迴超然豁鉅觀山從平處遠境向靜中寬福

地輪公占奇峰與客看不教煩蠟屐吟眺獨憑欄

東南峰第一遠瞰翠微層簾卦山腰瀑星搖增頂燈風
流追玉局墨妙擅吳興自有升高賦於今頌九能

可藉巨靈力螺痕攀處新落霞飛峭壁駐馬淨歛塵花
樹濃於染人煙密比鱗放懷吟自在暫喜寄閒身

乘興攀蘿葛何須伴鶴棲坡迴春樹密江濶暮潮低官
寮開軒坐娑拖拂薛題行與頻攬勝真覺隔塵泥

題元艾衲子麗人畫軸卽用其韻

不拾花鈿不整鬟那堪腰舞學弓彎分明睇髮陽阿畔
芳茵香蘅意味閒

拍空齋詩鈔卷一 十

金樊圃夫子挽詞

論交老輩最情親夫子與先從祖敬堂先生爲同年至契入座風生杖履
春幸與門才同立雪爭看大雅獨扶輪經傳洛下名元

重香瓣南豐派自真數載提撕恩不淺深慚薄植荷陶甄

桂花如霰落階庭經說叢談次第聆秋仲謁夫子於禾城命坐良久載

酒元亭頻問字束裝長泖旋揚舲時夫子將赴雲間書塾擬翻法

曲霞觴進夫子歿之明年爲八十壽忍按遺編絳帳經回憶慎交文

題紙目圖

讎盛重繡甲乙涕先零前舉慎交文課質之夫子

我聞廣長舌絕勝青羊脂清光搖銀海曉日瞳矐時嗟
哉孝思格蒼天至性如訴天應憐不然沈疴一旦何由
痊旌之綽楔共快睹孝友光明堪步武玉虹忽降覆此
圖長與志乘炳百古

詠茉莉花

名從梵苑始紛麻移植南中種自嘉雪瓣微沾奩乍啓
筠籃小摘日初斜半林客到催薰茗南人以木利薰茗深巷人

來唱賣花安得編籬栽滿地不教風物廣州誇

詠雪用東坡尖叉韻

斷冰新試免豪纖裘履賡酬刻燭嚴硯炙琉璃塵白戰

拙守齋詩鈔卷一 十一

茶煎橄欖落紅鹽寒梅寂歷遲芳訊凍雀啁啾匿畫檐

試傍水晶簾外望模糊不辨遠山尖

歸櫂何時聽軋鴉歲華漸逼轉天車夜窗寒攬三更夢

枯樹新裝六出花借屐尋山誰是主背瓢覓醉卽爲家

當年文讎輸坡老賸有青錢取次叉

風版歌爲黔陽李靜嵐員外賦

赫曦卓午侵庭除襪襪卻走徒嗟吁先生沐閒憩旅館
靜置茗椀書籤俱娑拖不耐煩暑苦要使爽籟形神舒

亟命斲手試斤墨伐材則審形模綺梁高挂隨偃仄

吳綃尺幅垂流蘇貫經宛轉互鉤結控勒在手相搏扶

有若鴉翻翼有若蕙扇厨一張一弛常省括何待占風
用鐸相風鳥直如列子御之凌空虛始歎良工心獨苦
能使人巧天工如是豈蘋末土囊口不假造化被吹噓
操縱任意唯所適盪空激薄無牽拘滿座延爽都快意
兩袖拂拂塵囂祛誰歎智者矧此物將毋古之王爾魯
公輸

予於吳門館靜嵐內部寓齋時沈雲泉翁適至有
答友人婁上舍近遊詩屬和其韻

九能誰是說山川徧數游蹤快暮天沈約才名傾後輩
婁機風格挾飛仙招邀文讌都忘客倚撫義娥好應躔
輸與賡酬成兩美奚囊吟篋一時緣

拙守齋詩鈔卷一

主

雲翁復示和章疊前韻答之

翩翩詞藻豔晴川霞彩橫飛落九天望重洛中曾有賦
試二等召才如白下豈非仙藝文著錄窺書庫劒氣沖霄
應斗躔羸得寒宵同說餅燭花爲報故人緣

再疊前韻贈雲翁

撫拾遺珠欲媚川翁輯構李詩文
緊最爲絲博嗤予管見漫窺天登

樓王粲誰爲侶戴笠蘇公自是仙繡譜肯將鍼暗度德
星暫喜客分躔早春若泛梅花權應與梅花有夙緣翁

梅里探
梅之約

再疊前韻送范西圃茂才中楷之滬城

崢嶸才地匹龍川遠溯家聲萬笏天羨爾學書兼學劍
濟人疑佛更疑仙君遠
於醫頻摹綉幅香生夢承昔款
聯見贈恰快
文星耀射躔遙指歸颿黃歇浦傳杯暫欸客中緣

送黔陽李生再韻赴試北闕

甲第君家盛爭誇奕葉繁流芬標玉樹獻策重金門驛
路花光潤旗亭柳色暄此行須努力健翮好騰鶩

夏日閒居和尤廣文韻

竹梧滿院望森疎卓午濃陰冉冉舒稚穉未嫌三伏暑
風流肯借一紙書若逢河朔應相許自謂羲皇豈不如

拙守齋詩鈔卷一

主

好是涼生斜日後銀塘潏潏拂紅蕖

梁谿風格溯當時翻水何勞用意爲自昔鴻篇堪比調
于今綺語獨菱枝雲霄浩蕩借槎客詞賦流傳付雪兒
筆架書籤安置得閒來便賭一枰碁

漫擬披圖主客邀茶煙裊裊篆香消九天早喜登珠榜
一曲何妨倚洞簫才藻繽紛驚陸海詞源浩瀚溯韓潮
槐陰直舍宜銷暑拂拂涼颿幾度宵

相逢知己話江天愛展桃笙學晝眠揮塵嬾尋花下屐
酣簞牘有杖頭錢官因冷淡都除俗人到蕭閒卽是仙
何用焚香耽靜憩科頭跂腳亦翛然

顧松泉送其師石帆翁之大梁爲寫河干送別冊
子翁歿後爲題是詩

一編吟槩瓣香持別緒依依感昔時
煙繞隋隄迷浦澈雪深梁苑鏤歲蕤
譚經喜近梧桐里負笈愁牽楊柳枝
太息元亭今莫問丹青賸有虎頭癡

輓張蘭皋夫子時司諭建德卒於署

音訃驚初到師模痛已非銘旌遲遠道
手澤誦清徽槐舍官常冷蘭臺願竟違
艱難問生計回首重歎欷憶自成童日
常親道範尊譚經窺馬帳立雪溯程門
午夜論文健春風入座溫菲葑慚薄質
栽植敢忘恩

拙守齋詩鈔卷一

古

奪戴名元重雍容講席寬文章酬特達
苜蓿長闌干郭外千峰秀窗前萬壑寒
招魂何處是黯淡泝嚴灘渺矣江鄉隔
難禁涕泗零遺文空載橐家學有趨庭
述作名山業芝蘭老圃馨問奇思往事
忍過子雲亭

拙守齋詩鈔卷第一

拙守齋詩鈔卷第二

嘉興李超孫奉曄

題張竹梧秋江理釣圖五六七言各一章

極目秋江曉橫拖匹練新煙波誰是侶
畫裏認元真不用瓜皮小艇奚須笠澤
叢書跳盡半江紅樹有無入饌鱸魚

一行雁影碧雲中手搦釣竿倚晚風
笑爾年來頭未白那能真箇作漁翁

謁陸宣公祠

拙守齋詩鈔卷二

一

內相值時艱隻手持國計當其帷幄謀
禁旅紛多事抱績效批鱗銷兵伸大志
藩鎮氣飛揚肘腋未可制一旦握成算
竟中譏人忌平生積至誠千古垂奏議
從狩下詔書孤軍感流涕聊浪忠州居
方藥藉娛意惜未豁懷抱復睹貞觀治
耿耿秉精忠豈復避讖刺風烈激陽城
文章過賈誼日月與爭光卓哉名不替
城隅感舊廬湖畔引遐睇蒼松攬空庭
落日依寒砌蘋藻薦馨香碑垠承鼎鳳
成公昔畱題摩挲增仰企

送明府李鄒齋夫子保薦入都

射策巍科重傳臚

朵殿趨奎躔聯五緯

夫子殿試第五自紀登

第詩有奎躔五緯已承

恩句仙鳥集雙鳧竹閣鳴絃靜蘭陔戲彩娛

春暉凝海屋廉節皎冰壺飴釜塵常滿階庭訟自無四
知清夜勵三異赤誠孚造士栽桃李勤民卹賦租循聲
流浙水美績紀當湖褒德真良吏司農本碩儒蟲魚箋
變奧亥豕辨糗糊典訓遺文補碑珉信手摹夫子輯補陸德明經
典釋文沈吟披牘暇稠疊拜恩殊鶚薦翔霄漢星移
若千卷近斗樞薰香叨寵數筵羽接亨衢入覲臣心凜升
猷

帝曰俞鸞遷先志喜蠡測俯慚愚侍側欣譚藝從遊忝
舞雩由來收櫟植肯使局轅駒早矢生成惑還深蘊落
虞門才居後進別緒攪長途一一鐫提命依依仰楷模

拙守齋詩鈔卷二

二

書徵黃霸匹傳擁馬卿俱驛柳迎車蓋江花灑畫圖蓬
萊雲捧日繡徽內廷需

水仙

纖芽抽並小窗前獨占春風劇可憐冷豔偏宜攜菊友
冰姿不肯讓梅仙愁生洛浦三更月腸斷湘江一帶煙
憑仗王孫鉤水墨疎香彷彿畫中傳

詠橋李分得覃韻效曝書亭分賦體

故迹畱青史仙根傍佛庵招痕今不滅嫁法舊曾諳粉
落漿尤潤絲懸縷獨涵味回同啖蔗擘就勝傳柑禽觸
來應再蟻餘咽更三打岐名並著擣木義相參越女情

如訴吳儂興自酣城燕嗟莫問遺植共幽探

予館姚江楊氏同主人小莊茂才

立坤

賦盆中品

字紅蓮

亭亭矗立淨無塵忽訝朝霞散彩勻遮蓋儼同三獨坐
想有有樣故翻新

粲聚都教染黛鮮秦韓號國合成緣一奇一耦參神化
愛似濂溪說未傳

小莊令叔鼓山上舍購端溪舊硯贈予因其割愛

卻之卽賦志謝

不道詩翁硯癖真摩挲煙液幾經春更招骨董羅良璞

拙守齋詩鈔卷二

三

鐵色稜稜過眼新

紛紛說硯肆滂葩龍尾徒誇海嶽家試貯經奩矜峽潤
鵝毛恣灑墨浮華

松化石歌爲馮觀察

克翠賦

奇石聳山巔寒雪壓崖岸剔薜謁咬增宛成蒼段輒
謂松所化造物豈幻漫貞一性所操堅凝骨難換實分
衡嶽秀擘此一卷研風雨漬淋漓陰陽爲冶鍛斑駁迺
天成偶同鐵色幹豈真蒼髯叟踞蟠不可絆古木歲月
深祇是成朽爛不見平地松何有片石硯變化說本誣
要自胚渾判潞河載歸舟別院羅奇觀加以拂拭勤匪

供耳目玩良由生物意砥柱資衛打磅礴氣何雄作礪
又奚憾嗤彼抱硜硜徒令託樛散

馬笙谷中翰索題賦琴小影

病餘吟卷寄幽懷卒讀知君淚欲揩惆悵琴樓成絕調
漫教營奠復營齋

綽約仙鬟契夙因拈花擲笛各紛陳蓬壺一望應添恨
雲水蒼茫認未真

爲稔園族祖題重裝騎牛圖遺卷

追尋遺蹟百年還重整耳籤願未慳離合神光歸篋底
夜疑紫氣到函關

拙守齋詩鈔卷二 四

青塵省識畫圖中得失何須問塞翁畱取硯田安穩種
一犁無恙舊春風

渡揚子江

北固樓前估客舟嘔啞急櫂水中流潮生鐵甕孤城暝
山帶金陵古木秋三楚濤奔丹壁湧九江浪接碧天浮
揚帆瓜渡重回首絕頂高臺一望收

過趙北口

連城白壁有輝光巨鎮喧闐萬馬驤橋跨平隄春浩蕩
亭存古驛樹蒼涼煙波淼淼漁舟集野店遲遲酒旆颺
上下湖光長短柳塵襟盡滌任疎狂

高唐州

縣駒昔處此齊右皆善歌流風俗既久猶未掃淫哇大
姑調箏筑小姑彈琵琶觀者填街陌紛紛競相誇墨染
素絲變蘭薰香氣多轉移在吏治
聖化共漸摩

蘆溝橋

蘆溝河水險濺濺流桑乾危橋亘里許渴驥赴奔湍蒼
柏插作址白石雕爲欄上設官府廳權稅無拘攔商賈
得安業羣沐

皇仁寬顧息彼臣怒長對月團圓

拙守齋詩鈔卷二 五

哭秋江舅氏四首

舅氏推恩篤甥行荷德全浮湛憐小子趨侍憶當年令
序分甘樂前程屬望專憑今一追溯感激涕淪漣
家君方遠客感舅誼彌惇倍覺周旋密常承笑語溫商
量營嫁娶歎息少田園歲暮趨庭日頻來細細論
憶聽萃鳴鹿欣摩杖刻鳩藥鑪雖縉總祖道重綢繆柳
拂歸驂倦萱摧子舍憂殷勤勞慰藉俯首淚交流
昔病三年久今疴兩載餘呻吟形漸頽和樂意堪據舅
有和樂小照鑑齋研芬兩表弟裝還望加餐健難徵掌
成立軫藏之與兄靜川互相勗勉
夢虛深恩慙未答奠醑益秋歎

和金瀾弟步先叔厚齋先生重過虎林原韻

青蓮詞館畫常關

先叔以青蓮館名其詩

客舫來從鸚鵡灣

時已卯舉

優貢同年當湖沈文恪公初過梅里借赴虎林

學冠明經貽手澤詩吟遺卷聳

肩山流芬有弟名能繼金瀾弟辛酉舉優漬墨先祠額再顏吾家

自先徵士秋錦公下凡掇科名即書匾於三李祠今喜優貢復得其二

重感當年交最洽

寄懷蘭韻又誰刪

沈文恪蘭韻堂集有寄懷先叔詩

送長白伊耐園觀察督儲黔南

漢娑嘉樹蔭舒長

公守嘉禾於郡署築嘉蔭軒

僕指賢勞已七霜

有鴛鴦知浩蕩野牽牛犢樂豐稷懸鞭臥閣陽春宇刻

燭臨池翰墨場為政風流蘇玉局從教畫戟坐焚香

拙守齋詩鈔卷二

六

才稱監司記

御屏升華慶自綠莎廳千艘轉輒持霜

節一道謳歌頌福星充裕軍儲銷戰伐展舒民力比生

靈紅崖白石山明媚徧繞層雲驛騎經

敬和郡伯李鄒齋夫子梅里節孝祠詩韻

聖代恩褒重恤嫠窮檐亦得拜

綸絲千秋貞節皆崇

祀三里寒香特啟祠親薦蘋蘩為邑倡

戊辰春仲夫子來守我禾親致

祠祭邑尊趙吧堂先生亦一至祝焉

大關風教賴公維曾頒謨記珍珉石

採入輶軒又補詩

輓張補萱

憶在歲戊申交君誼始篤備聞日者言謂君主不祿不

唯數當天抑且艱嗣續君聽輒瞿然行善願已蓄扶老

以墟枯熙春被以燠不倦度歲除頓令回黍谷廣慈恤

貧亡無使委溝瀆收券江北塙適遇水架屋老幼顧歛

歛解橐助鬻粥如此三十年孜孜日不足接聯舉三子

嶄然見頭角且以之延齡大衍非為促天之與善人不

可謂不渥若云擁萬賞猶是皮毛屬非敢矢狂言論斷

或亦確我最知君深君亦為予告二人而同心投分在

脫俗為善理有憑彼此互相勗以之論報施又嫌君棄

速既可寬其年胡不享遐福一旦溘然逝豈仍數所盛

我欲問蒼天無語唯一哭

拙守齋詩鈔卷二

七

錢唐江觀潮

錢唐八月洶怒潮奔騰直欲撼嶢嶢白沙滾滾走兩界

碎磅旬磴揚風颺廣陵之源沂太末曲江渺瀰飛秋濤

伍子山巔挾雲雨胥母場口遁天驕枚叟七發豁胸臆

始信觀者紛紛徒喧呶流傳羅剎名最古靈旗彷彿相

招邀素車白馬踏巨浪螺峰佛髻凌層霄若非婆留功

不小誰挾三千射弩稱雄豪

白牡丹和曹桐石韻廬峰同作

矯矯花中特號王如何傳粉鬪新妝生成國色天然淡

染得衣香分外涼空相休教圍錦幃返魂可許度華堂

懸脂不買無難畫裁取朝雲幾幅裳

肯向楊家伴此身玉堂容我證前因
嚮舒館內飛仙侶
暈褪妝旁倚醉人湘浦沈香真得地洛陽對月不勝春
輸他富貴能消受縱自韜光倍有神

馬小肩招飲文藪山房晤查南廬

世官

即用南廬

所錄今雨聯吟韻賦贈

派沿敬業舊家聲解后逢君拍手迎
春雨滴檐傾宿釀
梅花破萼報新晴客輶指處爭延客
名士從來不戀名
多謝主人相款意劇譚轟飲到三更

癸酉上巳日馬小肩招同繆南澈吳榕園查南廬

拙守齋詩鈔卷二

八

仰山金香谷張敬軒王秋坪表叔家篁園族祖聚
齋叔金澗雪園兩弟小長蘆脩禊分賦五古得託
字

我鄉數前輩溪南踐夙約每當三月三清典會有託流
風百年來斯舉久不作嗤余守鄉隅交期長落落馬君
忽見招吳繆舟昨泊相期十數子意氣各磅礴爲言此
良辰胡弗盡杯杓長水波鄰鄰曲渚煙漠漠飛觴如蟻
浮拈韻等驚攫聊以繼前修庶幾意不惡若云祈福祥
恐爲古人縛

題馬笙谷碧蘿吟館手卷

溪館碧鄰鄰臨流結構新卷簾花濺雨隔岸鳥嘯春雲
樹懷人意文章下筆神修名千古事知已得來真

壽顧萊厓七十即用自壽原韻

鄉媛福地卽神仙讀書齋中契靜緣滌硯墨霏林杪
校書藜照杖頭煙相期春渚閒烹茗最好秋山坐聽泉
一櫂石帆經我里足音空自喜登然

鷹窠山在石帆東時君借楊文樸文

往登絕頂舟過梅里

和詩百疊未嫌多

君有東坡百疊和詩

幾度沈吟月挂蘿交結老

蒼俱道契隱居城市且行歌圖餘十壘真成癖悟到三生不惹魔
此日筵開齊祝嘏翩翩比調有羊何

拙守齋詩鈔卷二

九

甲戌春仲金澗弟值祭三李祠邀蔣姨丈槎客同
往看梅畱飲分韻得到字

老梅一株倚檐笑矯矯不許纖塵到長畱遺植吐清芬
得薦寒香肅春萼孤標奕葉有輝光雅集朋曹相傾倒
花下開罇日已斜坐吟亟把莓苔掃

詠黃梅花

不使孤山遁老知妝成宮樣最相宜暈生直幹橫斜影
色配中央南北枝索笑偏憐金作額返魂轉訝月爲眉
別傳香氣來京洛漫道霏霏絳雪吹

端陽後二日邀榕園兄秋坪表叔爲先人往勸營

光晚歸敝廬仲弟薌沚同在坐金瀾弟繼至翦燭
小飲分得紅字

廬次蒼涼起暮風破窗須護一燈紅交於澹處偏多味
詩到工時豈必窮季子才華眞跌蕩右丞標格自冲融
憐余兄弟分飛雁未卜松楸淚雨中

吳思亭將之豫章追念其高祖思雲先生不就鴻
詞之徵曾與竹垞朱太史暨先徵士秋錦公結文
酒歡思亭期予兄弟並朱寄園溪上小敘仿前人
故事詩以紀之

季札賢聲縞紵聯尤於祖德致纏綿布衣被薦車難輓

拙守齋詩鈔卷二

十

老輩論文舫可連

朱太史醴舫先徵士刺舫

名氏畱芬三姓後詩樽

誌感百年前重尋舊徑開吟譙兼送行旌頓水邊

海昌周貞女詩

烈殉一死節堅一生其最難者貞女之貞
貞女之貞婚未有日爲未亡人死則奚恤
女不可死母欲依之夫不能生女願歸之
生爲死悲婦奉姑教傷哉貞女亦貞亦孝

夏日馬小眉歸自石門邀予同吳榕園聚齋叔金

瀾弟文藪山房小敘限三江韻

主人愛客今無雙侵晨已返語兒鬟勾吳公子當前窗

喜予咸籍足音登相揖主人情意厯厯呼置酒浮春缸
青梅盧橘白紅豈魚臠羊胃兼雞腔一斗一石飲淙淙
繫予戶小心先降射覆險字相春撞嚴圍莫解尤增懽
主人曰未剔銀釭不可無詩韻限江有如競病筆難扛
以筵直欲洪鐘擬詩成一粲喧紛哢肯學兒戲都盧撞
醉歸猶似水激椿已聽街鼓聲三聲

解煩戲作時館陝川蔣氏漱六軒課予堦路英

兀坐小軒中以書爲消遣終日輒昏昏其故渾莫辨我
心本匪石反同石之轉我心又匪席乃似席之卷豈必
惑百端頓填胸膈滿有如荆門營突陣以鋸限又如秦

拙守齋詩鈔卷二

十一

川軍霆擊而電閃若翻黃河水陡決千里黠若烈崑岡
火忽騰萬丈燄亂如披榛莽蒙茸不可翦疾如揚風沙
蓬勃驟難掄問心何以然心亦無所歉嚴侍雖龍鍾日
長猶健飯雁行各分飛郵函通繾綣兒縱遲一矜讀書
尚肯勉翁與婿相關非比處客館啖以肉一杔飽以飯
兩盃夜酌對蔣侯謂冰壺乘醉枕爲伴了無罣礙存猶是
瓜葛弗何弗豁然開使我心花苔

四月晦日淳邨主人招同陳簡莊吳榕園曹廬峰

桐石聽彝齋雅集分賦得樂字

日歸復日歸準擬五月朔主人前致詞且未遽裝橐今